



Bosnia and Herzegovina  
Federation of Bosnia and Herzegovina  
**CANTON SARAJEVO**  
Diaspora Office

Na osnovu člana 7. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), Odluke o osnivanju Fondacije „Zajedno sa dijasporom za jaču domovinu“ broj: 14-45-16317-11/25 od 10.10.2025. godine i Statuta Fondacije „Zajedno sa dijasporom za jaču domovinu“ broj: 14-45-16317-12/25 od 10.10.2025. godine Ured Vlade Kantona Sarajevo za dijasporu, dana 22.12.2025. godine, donio je

**O D L U K U**  
**O STANDARDIMA I KRITERIJIMA ZA IZBOR I IMENOVANJE NA POZICIJE**  
**PREDSJEDNIKA I ČLANOVA UPRAVNOG ODBORA FONDACIJE „ZAJEDNO SA**  
**DIJASPOROM ZA JAČU DOMOVINU“**

**Član 1.**  
**(Predmet Odluke)**

Ovom odlukom Ured Vlade Kantona Sarajevo za dijasporu kao Osnivač Fondacije „Zajedno sa dijasporom za jaču domovinu“ (u daljem tekstu: Osnivač) utvrđuje standarde i kriterije za izbor i imenovanje na pozicije predsjednika i članova Upravnog odbora Fondacije „Zajedno sa dijasporom za jaču domovinu“ (u daljem tekstu: Upravni odbor).

**Član 2.**  
**(Uslovi za imenovanje)**

(1) Za predsjednika ili člana Upravnog odbora može biti imenovan kandidat koji ispunjava sljedeće opće uslove:

- a) da je državljanin Bosne i Hercegovine,
- b) da je stariji od 18 godina,
- c) da nije otpuštan iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije dana objavljivanja upražnjene pozicije,
- d) da se na tog kandidata ne odnosi član IX 1. Ustava BiH;
- e) da nije osuđivan za krivično djelo,
- f) da nije osuđivan za privredni prijestup nespojiv za dužnošću u Upravnom odboru,

g) da se protiv njega ne vodi krivični postupak,

h) da nije na funkciji u političkoj stranci,

i) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08) i Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, broj: 35/22 i 44/22 i 55/22- Ispravka).

(2) Pored općih uslova iz stava (1) ovog člana, kandidat koji se imenuje za predsjednika ili člana Upravnog odbora, treba da ispunjava i sljedeće posebne uslove:

a) da ima univerzitetsku diplomu ili akademske kvalifikacije najmanje VII stepena stručne spreme, odnosno visoko obrazovanje prvog ili drugog ili trećeg ciklusa Bolonjskog sistema studiranja koje se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja,

b) da ima najmanje pet godina radnog staža/ iskustva u struci nakon sticanja univerzitetske diplome,

c) da posjeduje sposobnost da savjesno, odlučno i odgovorno obavlja upražnjene pozicije,

d) da posjeduje sposobnost nepristrasnog donošenja odluka,

e) da posjeduje sposobnost upravljanja finansijskim resursima i naklonjenost timskom radu,

f) da posjeduje komunikacijske i organizacijske sposobnosti,

g) da nije član više od jednog upravnog ili nadzornog odbora ili drugog organa upravljanja u drugom organu ili instituciji i

i) da nema privatni finansijski interes u Fondaciji.

(3) Predsjednik i članovi Upravnog odbora imenuju se na period od četiri godine i mogu biti ponovno imenovani.

### **Član 3. (Oglašavanje)**

(1) Na osnovu općih uslova utvrđenih u članu 7. Zakona o ministarskim, vladinim i drugim imenovanjima Federacije Bosne i Hercegovine i standarda i kriterija iz ove odluke Osnivač će raspisati javni oglas za imenovanje na pozicije predsjednika i članova Upravnog odbora.

(2) Osnivač će imenovati komisiju za provođenje javnog oglasa iz stava (1) ovog člana.

### **Član 4. (Ravnopravnost pri izboru)**

Prilikom utvrđivanja ili primjene standarda neće se vršiti diskriminacija prema bilo kome na osnovu rase, nacionalnog ili etničkog porijekla, boje, vjere, spola, bračnog statusa, porodičnog statusa, invalidnosti ili zbog postojanja presude za koju je izrečeno pomilovanje.



**Član 5.**  
**(Čuvanje standarda i kriterija)**

Standardi i kriteriji za imenovanje čuvaju se u evidenciji Osnivača.

**Član 6.**  
**(Stupanje na snagu)**

Ova odluka stupa na danom donošenja.



Broj:14-45-16317-13/25  
Sarajevo, 22.12.2025. godine